



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

Dubium I. Quid sit votum; & quas conditiones requirat, tum ex parte
vouentis, tum ex parte materiæ.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Secus, quando post solutionem decimarum semel factam, sublatæ sunt, deque tali furto puniendo agitur; & vniuersim quoties de ipsis solum fructibus decimarum iam perceptis ac solutis est quæstio, iuxta ea, quæ loco citato fusi tradit Azor.

42

Ratio est: quia Canones superius citati absolute causam decimarum iudici Ecclesiastico transcribunt, quia spiritualis est: & alias etiam accessorum sequitur naturam principali, scilicet in necessario conexis; & maximè ubi ex accessorio posset præiudicium aliquod in causa principali creari: quod facile fieret in proposito, si in casu, quo decimæ à laicis, seu titulo feudi, cum licentia summi Pontificis, seu titulo conductionis possidentur, de jure decimatum non Ecclesiasticus, sed sæcularis iudex cognoscere.

Tunc enim, si quid forte juris Vasallus, aut conductor laicus amitteret, ipsi etiam Ecclesiæ, ac in eius præiudicium amitteret. Eadem est ratio, cum

de decimarum solutione, an facta sit, quæstio est: quandoquidem ipso neglectu solutionis, intra certum tempus, amitti ius decimarum potest, ut superius dictum.

Accedit, quod cum in casu feudi, dominium decimarum directum adhuc pertineat ad Ecclesiam, & alioqui communis iure, ipse dominus feudi de causa feudi cognoscatur, non est ratio, cur cognitio decimalis causæ, hoc casu, Ecclesiæ ab iudicetur, ut contra Couarruiam recte notarunt Rebus & Azor locis citatis.

Secus est, quando Ius decimarum iusta permutatione, siue contractu, penitus ab Ecclesia alienatum, ac in sæcularem personam translatum est: siue etiam negandum non est, in tertio casu, ex Couarruiam relato, quando quæstio est facta solum, non iuris, probabilem esse dictam Couarruiam sententiam; quæ etiam ita passim vindetur practicata.

Q V A E S T I O I V.

De Voto.

S.Thomas 2. 2. quæstione 88.³⁷

Absolutetur hæc quæstio sex dubitationibus. I. Quid sit votum; & quæ conditions requirat, tum ex parte vountis, tum ex parte materie. II. Quinam vounte posint; & de varia vountium conditione. III. Quenam generatim sit obligatio voti. IV. Quotuplex sit votum; speciatim in quo consistat votum solenne, & qua ratione à voto simplici differat. V. Quibusnam modis generatim obligatio voti desinat. VI. An humana auctoritate proprie in voto dispensari possit, etiam solenni. Non est autem animus, nisi que proprie scholastici Theologi sunt, fusi disputare; sed solum fundamenta tradere; & in precipuis quibusq; casibus breuem resolutionem addere; ne alioqui opus nimium excrescat, ut in prefatione primi tomii monui.

D V B I V M I.

Quid sit votum; & quænam conditions, tum ex parte vountis, tum ex parte materie, requirantur ad voti valorem & obligationem.

S.Thom. 2. 2. q. 88. a. 1. 2. 5. 6.

I. Votum ad primum attinet, et si quidem alias votum, & desiderium rei acquirendæ, & preces, quibus hoc desiderium exprimitur, significet; in præsenti tamen, promissionem Deo factam significat. Quo modo votum definiri solet, religiosa promissio rei conuenientis Deo facta.

Et dicitur *promissio*, quæ quis scilicet statuat, quipiam in honorem Dei, ex obligatione promissi, & sub peccato facere: quia nudum propositum quantumvis firmū, ad votum non sufficit, nec per se obligat. Dicitur secundo, *rei conuenientio*; quia rei inconvenientis promissio nulla est, ut infra patebit. Dicitur tertio, *Deo facta*; quia licet quandoq; etiam Sanctis fiat promissio, quæ nonnunquam votū dicitur (quanquam de hoc sit quæstio de nomine) non est ea tamen actus religionis, sed obseruantæ, siue,

dulæ; nisi forsan aliquis speciatim quipiam sanctis promittat, quatenus in eis Deus per gratiam habitat, ut Caietanus hic a. 1. & alij docent.

Iam quod ad conditions voti pertinet, tres à S. Thoma, q. 88. a. 1. requiruntur, nimirū deliberatio, propositum rei exequendæ, & promissio, hoc est, voluntas, seu decretum se obligandi, cum ait: *Votum quandam obligationem importat per modum promissio, qui est rationis actus, ad quem pertinet ordinare. Sicut enim homo imperando, vel deprecando ordinat quodammodo, quid sibi ab aliis fiat, ita promittendo ordinat, quid ipse pro alio facere debeat. Sed promissio, quæ ab homine fit, homini non potest fieri, nisi per verba, vel quæcumque exteriora signa: Deo autem potest fieri promissio, per fidem interiore cogitationem; quia ut dicitur z Reg. 16. Homines videntea, quæ parent,*

sed

3 sed Deum intuetur cor. Exprimuntur tamen quandoque verba exteriora, vel ad suipius excitationem, vel etiam ad alias contestandum, ut non solum desistat a fractione voti propter timorem Dei, sed etiam propter reuerentiam hominum. Promissio autem procedit ex proposito faciendo: propositus autem aliquam deliberationem praexigit, cum sit actus voluntatis deliberata. Sic ergo ad votum tria ex necessitate requiriuntur. Primo quidem deliberatio; secundo propositus voluntatis; tertio promissio in qua perficitur ratio voti. Ita S. Thomas.

Vbi quidem certum est, ad valorem voti requiri, tu deliberationem aliquam; tum etiam promissionem. Sed dubitatur primo, an ad valorem & essentiam voti etiam requiratur voluntas fere obligandi. Negant Sotus l. 7. de Iust. q. 1. a. 2. Aragonius hic a. 1. & Lopez part. 1. In his, cap. 42. qui putant, votum valere aequaliter & proposito & voluntate se obligandi.

Sed contraria sententia est vera & communis, apud S. Thomam loco cit. & art. 3. ad 2. & 3. Richardson in 4 d. 38. a. 3. q. 3. Bonaventuram d. 38. a. 1. q. 1. Antoninum part. 2. tit. 11. cap. 2. Maiorem ead. d. q. 2. & Nauarrum in man. cap. 12. n. 24. & 27. & habetur ex cap. Literarum de voto & voti redempt. Ratio est; quia obligatio intrinsece includitur in promissione; adeo ut si quis voluntate se obligari plane careat, non vovere, sed facte solu permitat.

Secundo dubitatur, an ad valorem voti etiam requiratur propositum rem promissam exequendi. Respondeo, quia communiter obligare se non intendit, qui propositum exequendi non habet, ideo S. Thomas cit. a. 1. propositum, rei scilicet promissae exequenda, non solum promittendi, ut explicauit Caietanus, ad voti substantiam requisivisse, videtur: licet absolute fieri possit, & saepe, inter homines praesertim, re ipsa accidat, promissionem sine proposito exequendi rem promissam confistere.

Quo casu etiam, votum erit validum, ut ex communiori tradunt Caietanus & Aragonius hic a. 1. Nauarrus man. cap. 12. n. 27. Toletus lib. 4. cap. 17. Lopez cap. 44. Graffius cap. 24. n. 13. eti contrarium sentiat Valentia loco cit. & quest. 7. pun. 4. s. 3. Ratio est; quia obligatio votum non oritur ex proposito rem faciendo, sed ex promissione, & decreto obligandi; quod sine proposito exequendi stare posse, manifestum est, quidquid dixerit Valentia. Hoc interim certum est, per accidentis ratione scandali, obligari posse etiam facte vountem ad votum implendum, ut in simili, de facta promissione homini facta alibi diximus.

Tertio dubitatur, an & qualis deliberatio requiratur ad votum. Respondeo I. Ad valorem voti sufficit & requiritur ea deliberatio, quae sufficit ad peccandum mortaliter; modo non sit tantum virtualis; ut si quis in ebrietate, vel ex consuetudine, iurandi, subito vounteat, se profecturum Romanum, si cum aliquo v. g. ludat &c.

Primum, nempe talem deliberationem sufficere, ex communione docent Paludanus in 4. d. 38 q. 1. Sotus, & Caietanus loc. cit. Nauarrus man. c. 12. n. 26. Gregorius de Valentia loc. cit. alijq; recentiores, contra Canonistas quosdam, necio quam maturam & diuturnam deliberationem requirentes. Ratio est; quia talis deliberatio est in suo genere perfecta, & per se in omni materia sufficiens, ad se obligandum.

6 Minor autem deliberatio non sufficit; quia Deus non acceptat promissionem, nisi plene deliberata. Quodsi deliberatio ad valorem quidem sufficiens sit, sed immaturior, communiter peccatur venialiter, propter quandam irreuerentiam, ut cum Caetano docet Valentia loc. cit.

Secundum, non sufficere deliberationem virtualem, tradunt Aragonius hic a. 1. Angles in flor. 4. p. 2. q. de voto art. 1. & Sanchez l. 1. de matr. d. 8. n. 21. Ratio est, quia talis non est vera deliberatio, qualis ad gratuitam obligationem contrahendam merito requiritur.

Falsum est autem, quod vniuersim tradit Angelus V. Votum, eum que statim post votum editum penitet, deliberationem ad valorem voti sufficientem non habuisse. Hoc melius, quod dicit Valentia loc. cit. dubitante statim post votum, an voluerit se obligare, probabiliter cogitare posse, sibi non suisse animum vountendi, ut mox in simili dicetur.

Respondeatur II. In dubio an deliberatio fuerit sufficiens, consultissimum est, petere dispensationem voti leuiter editi; quāuis valde probabile sit, in dubio an quis vountet, nemine teneri voto; sicut nec si dubitet, an cum vountet, compos fuerit rationis; vel an sit obligatus. Priorem partem cum S. Thoma q. 88. a. 10. tradit communis Doctorum sententia. quia haec ipsa est ratio quædam dispensandi, ut inferius dicetur.

Posteriorem partem tradunt Sotus l. 7. q. 3. a. 2. Lopez c. 45. Graffius cap. 32. SaV. Votum, & communiter recentiores. Ratio est; quia in dubio, an quis sit obligatus aliqua lege, vel præcepto, melior est conditio possidentis suam libertatem, ut generatim docimus citat. tom. 2. disp. 2. p. 6. dub. 4. est nonnulli oppositum docuerint ibidem.

Respondeatur III. Ad eandem deliberationem spectat, ut quis sine vi, & metu vounteat; quia votum ex metu cadente in constantem virum, extrinsecus iniuste ad votum extorquendum iniesto, nullum est. Ita ex certa & communis sententia tradunt Glossa in cap. Praesens 20. q. 3. Angelus V. Metus, n. 8. & 15. Nauarrus man. c. 22. n. 51. Gregorius de Valentia q. 6. pun. 4. & habetur Cap. Perlatum, de ijs, quæ vi metusue, quidquid dixerint Sylvester V. metus, alijq; nonnulli. Ratio est; quia æquum est, ut gratuita promissio, praesertim Deo facta, spontanea, ac non per iniuriam extorta sit; ne quasi approbator iniuriae esse videatur: præsertim quia talis promissio etiam homini facta, est irrita, aut saltem pro arbitrio promittentis reuocari potest, ut ex communione docet Lessius lib. 2. cap. 17. dub. 6. & dictum supra disp. 4. q. 6. n. 325.

8 Et quamus Panormitanus in cap. sicut nobis, de regularibus, & Sotus lib. 7. de iust. q. 2. a. 1. dixerint, metu illum naturali iure votum irritum reddere; verius tamē est, id solum fieri humano iure, ut docent Aragonius q. 88. a. 3. & Lessius cap. 40. dub. 1. n. 8. & in simili, de contractu per metu, ab alio, quam contrahente altero, iniectum inito, suo loco superius dictum disp. 4. q. 7. dub. 1. vbi plures citauimus.

Ex quibus etiam colligitur, metu leui etiā iniuste incuslo votum non irritari, ut habet communis, quidquid glossa, Angelus, Nauarrus loc. cit. alijq; non-

9

nulli in contrarium dixerint; quorum tamen sententia in foro conscientiae probabilis est.

Qui vero reclamat, se vi & metu religionem fuisse ingressum, non est audiendus, nisi intra quinquennium à professione, coram superiori causa in deduxerit. Habitū prius dimittens, apostata poenis subiacet, iuxta Concilium Tridentinum s. 25. c. 19. de regul. At si vis & metus, aliaque reclamandi impedimenta, per quinquennium, vel ultra perdurant, etiā ius reclamandi perdurabit, vt recte Azor l. 12. c. 4. q. 10. Quis autē sit metus cadens in constantē virū quis leuis, explicatur suo loco de matrimonio.

Quodad secundā huius dubitationis partē, nempe materiam voti attinet, intelligitur eo nomine res seu actio, qua votō promittitur. Et certum est, ex communione Doctorū sententia, iuxta S. Thomā q. 88. a. 2. op⁹ promissum, seu materiā voti, tribus conditio-

nibus præditam esse debere, ad hoc, vt votū valeat. Prima, vt sit in nostra libera potestate; nec, absolute nimirum & physice necessaria, nec impossibilis. Hinc votum de nunquam peccando, aut de non peccando venialiter, non obligat; nec ita quidem, vt quis tenetur vitare venialia, quantum potest; at vero cætera vota de rebus præceptis, & in specie de non peccando mortaliter valent.

Addunt recte Sa. V. votum, Lopez c. 43. Sanchez lib. 1. de mat. d. 50. n. 6. votum de re impossibili non obligare, etiam postea fiat possibilis; nempe quia pro eo tempore, quo votō promissa est, fuit inepta materia voti, ipsumq; adeo votum irritum fecit: & quod initio vitiōsum est, non potest tractu temporis conualescere, vt dicunt ff. de diuer. regulis Iuris.

Secunda conditio est, vt sit opus bonum, accipiendō late opus bonū, etiam pro omissione operis mali. Hinc votum de re indifferente, nisi ob circumstantias sit bona, & destinat esse indifferens, non obligat, v. g. non locuturum, aut lusurum cum aliquo qui tibi molestiam intulit; aut non comedetur, carnes assas, si carnes alio modo coctas velis edere: multo minus obligat votum de re, aut secundum se, aut ratione circumstantia mala. Et quidem votum de peccato mortali mortale est, & de veniali veniale, vt recte cum alijs docent Gregorius de Valentia q. 6. pun 2. & Sa loco cit. tum quia reverentia Deo debita aduersatur: tum quia votum includit propositum rei voto promissæ exequenda.

Siautem ipse actus vouendi solum ob aliquam circumstantiam sit malus, res autem, quæ vountur bona, tunc votum non est inualidum, nisi ea ipsa circumstantia mala referatur ad Deum, tanquam nimirum ab eo impetranda, accipienda &c. quo casu, poterit esse etiam mortalis blasphemia. Hinc votum Religionis factum ex vana gloria; aut vt eo voto concepto, deinceps ante religionis ingressum, velutiam de salute securus, leuiter & libere vias; vel in gratiarum actionem pro filio ex adulterio suscepito, non est inualidum.

Sed si res ipsa, quæ vountur, in finem malum ordinetur; aut si quis vounteat aliquid, vt consequatur quod non licet v. g. victoriā iniusta, furtum, adulterium; aut in gratiarum actionem pro malo, v. g. p. victoriā iniusta, votū non obligat; vt ex communione docent Sa. & Valentia loc. cit. Vbi sine causa Azor l. 12. c. 5. q. 10. excipit votū religionis, quasivalidū sit

etiam si vana gloria sit finis ipsi⁹ ingressus religionis.

Tertia conditio est, vt opus voto promissum nō impedit maius bonum, atq; adeo nec adimat homini facultatem maioris boni. Hinc vota debet bus illis, quæ diuinis consilijs opponuntur negatiue, v. g. de non seruanda castitate, paupertate, obedientia, de non ingrediendo Religionem, de nihil vouendo, de nulla fidei illusione suscipienda, &c. & probabilitet etiam de non suscipiendo officio Reipub. utili & necessario, tuoque statui conuenienti, iuxta Azorium lib. 11. c. 5. q. 1. & c. 14. q. 6. & Philarchum p. 2. l. 3. c. 15. &c. non obligant; vt nec de illis, quæ contrarie eis sic opponuntur, vt facultatem seruandi consilia adimant; quale est votum de contrahendo matrimonio; nisi cui in aliquo casu vel debitus, vel propter maximam difficultatem seruandi Castitatem, in qua quis sibi lapsus est, magis expediens videretur status coniugalis; ita vt secundum dictum Apostoli, melius illi sit nubere, quam vri, vt ex communione Caeteranus hic quæst. 88. a. 2. Nauarrus man. cap. 12. num. 43. Sa. & Valentia locis cit. contra Sotum de iust. lib. 7. q. 1. a. 3. & Aragonium a. 2.

Aliæ vero res, que contrarie quidem consilijs Euangelicis opponuntur, sed facultatem ea obseruandi non adimunt, licite & valide vountent, v. g. de seruendo Hospitali, de peregrinando, &c. pol sunt enim hęc vota omnia commutari in vota Religionis, vt dicetur dub. 5. Nec tamen per se loquendo, est mortale, rem indifferentem, aut diuinis consilijs contrariam vounte: quia irreuerentia erga Deum, quæ committitur, grauis non est.

D V B I V M II.

Quinam vounte possint; & de varia vountium conditione.

s. Thomas 2. 2. q. 88. a. 8. & 9.

Eos, qui sui iuris satisque maturi iudicij sunt vounte posse, nullum est dubium. Sed quæstio est de ijs, qui aut sui iuris non sunt, aut nec dum plenū rationis vsum habent.

Et quod ad primos attinet, supponendum est, quosdam esse subditos superiori solum quoad rem voto promissam. Ita filij puberes subiiciuntur Patri: Matri autem non nisi post mortē Patris; si ipsa Tutoria sit, aut certe non sit alius Curator, secundum quosdam, apud Sa. V. votum. Ita etiam serui dominis & ex probabiliore, vxor marito subiicitur, vt docent Nauarrus man. c. 12. n. 65. & Gregorius de Valentia q. 6. pun. 6. & satis pater ex cap. Manifestū, & Cap. Nolus 33. q. 3. contra Sotum lib. 7. de iustitia q. 3. a. 1. plus afflentem. Idque etiam ex parte de marito (quoad debitum coniugale) aduersus vxorem dicendum est, vt suo loco de matrimonio patet.

Alij sunt subditi etiam quoad ipsam voluntatē, sive actum promittendi. Ita impuberis, nempe mas ante 14. & femina ante 12. annum subiiciuntur Parentibus, Patri scilicet, & post eius mortem Matri, si Tutoria sit (& secundum aliquos, etiam si non sit) item Tutori, Curatori, & domino. Ita Religiosi, seu Moniales subiiciuntur superioribus, & Pontifici; non ita huic alij non religiosi.

Hoc